

Prezada directora/ Prezado director,

Como todos os anos abrimos o prazo de solicitude para participar nas comisións delegadas (CD) e nas comisións de avaliación (CA) das probas de Avaliación de Bacharelato para o acceso á Universidade.

Unha vez mais, solicitamos a súa colaboración para que lles reenvíe esta mensaxe aos profesores e profesoras do seu centro que desexen participar nas probas.

Do mesmo xeito que o curso pasado, a inscrición deberase facer de xeito electrónico a través do formulario web que figura ao final desta mensaxe. A continuación ofrécese información relevante sobre distintos cambios que se producen nesta convocatoria de 2022.

No caso de que se desexe participar é necesario ter en conta as seguintes indicacións.

1.- As probas e a avaliación dos exames realizaranse nas seguintes datas:

XUÑO	Probas	Días 7,8 e 9 (martes-mércores-xoves; a tarde do xoves resérvase para posibles incidencias)
	Recollida de exames	Día 10 (venres)
	Data límite para a gravación en NERTA das notas dos exames corrixidos	Días 14 ou 15 (martes ou mércores) dependendo da materia
	Entrega de exames corrixidos	Días 15 ou 16 (mércores ou xoves) dependendo da materia
XULLO	Probas	Días 12,13 e 14 (martes-mércores-xoves; a tarde do xoves resérvase para posibles incidencias)
	Recollida de exames	Día 15 (venres)
	Data límite para a gravación en NERTA das notas dos exames corrixidos	Día 19 (martes)
	Entrega de exames corrixidos	Día 20 (mércores)

- 2.- As Comisións Delegadas constituiranse os luns días 6 de xuño e 11 de xullo ás 18:00 horas nas sedes onde se celebran as probas. A asistencia ao acto de constitución é obrigatoria para todos os membros das comisións.
As comisións de Avaliación constituiranse os venres días 10 de xuño e 15 de xullo no Edificio Fontán da Cidade da Cultura, Santiago de Compostela. A asistencia é obrigatoria.
- 3.- O nomeamento de vogais das Comisións Delegadas (CD) e Comisións de Avaliación (CA) farase para cada unha das convocatorias.
- 4.- Os/As vogais das Comisións delegadas deberán colaborar en todas as tarefas de vixilancia que lles sexan encomendadas polo/a Presidente/a da Comisión.
- 5.- Os/As vogais das Comisións de Avaliación deberán introducir as notas dos exames (identificados mediante un número) en NERTA previamente á entrega dos exames corrixidos na sede da CIUG. Para a introdución das notas, disporán dunha conta de usuario en NERTA que terán obriga de activar.
- 6.- As retribucións que percibirán os membros das Comisións en cada convocatoria para o presente curso son de 435 € para os vogais das CA e de 335 € para os vogais das CD.
- 7.- Cando un membro forme parte dunha Comisión de Avaliación e dunha Comisión Delegada, a retribución que percibirá será o 90% da suma das gratificacións que lle corresponden pola súa colaboración en cada comisión.
- 8.- Na elección de vogais para unha e outra comisión (xuño e xullo), terase en conta dun xeito favorable que o/a solicitante desexe participar en ambas comisións. Do mesmo xeito, unha vez feitos os nomeamentos, a renuncia a participar nunha das comisións pode facerse extensiva para a outra.
- 9.- Pódese solicitar formar parte da Comisión de Avaliación das seguintes materias:

Artes Escénicas (2º), Bioloxía (2º), Cultura Audiovisual II, Debuxo Técnico II, Deseño (2º), Economía da Empresa (2º), Física (2º), Francés II, Fundamentos da Arte II, Grego II, Historia da Arte (2º), Historia da Filosofía (2º), Historia de España (2º), Inglés, Latín II, Lingua Castelá e Literatura II, Lingua Galega e Literatura II,

Matemáticas II, Matemáticas Aplicadas ás Ciencias Sociais, Química (2º), Xeografía (2º), Xeoloxía (2º).

10.- Para formar parte das comisións é imprescindible non estar incurso/a, durante este curso, nalgunha das causas de abstención das previstas no artigo 23 da lei 40/2015, do 26 de outubro, de Réxime Xurídico do Sector Público (Punto segundo do artigo 23 da lei 40/2015 do 1 de outubro)

2. Son motivos de abstención os seguintes:

- a) Ter interese persoal no asunto de que se trate ou noutro en cuxa resolución poida influír a daquel; ser administrador de sociedade ou entidade interesada, ou ter cuestión litixiosa pendente con algún interesado.
- b) Ter un vínculo matrimonial ou situación de feito asimilable e o parentesco de consanguinidade dentro do cuarto grao ou de afinidade dentro do segundo, con calquera dos interesados, cos administradores de entidades ou sociedades interesadas e tamén cos asesores, representantes legais ou mandatarios que interveña no procedemento, así como compartir despacho profesional ou estar asociado con estes para o asesoramento, a representación ou o mandato.
- c) Ter amizade íntima ou inimidade manifesta con algunha das persoas mencionadas na alínea anterior.
- d) Ter intervindo como perito ou como testemuña no procedemento de que se trate.
- e) Ter relación de servizo con persoa natural ou xurídica interesada directamente no asunto, ou terlle prestado nos dous últimos anos servizos profesionais de calquera tipo e en calquera circunstancia ou lugar.

11.- Para facer a inscrición debe cumprimentarse o formulario accesible desde a seguinte ligazón antes do 25 de febreiro. Como contacto de correo electrónico debe indicarse un enderezo institucional, non son admisibles outros enderezos persoais:

FORMULARIO DE INSCRICIÓN: <https://forms.office.com/r/mF8PbTD2zE>

Celso Rodríguez Fernández
Presidente da CiUG